

四庫全書

子部

欽定四庫全書

子部
仁端錄卷七

詳校官太醫院醫士臣程泰

編修臣倉聖脈覆勘

總校官庶吉士臣何思鈞

校對官學正臣常循

謄錄監生臣鄧以伊

欽定四庫全書

仁端錄卷七

明 徐謙 撰

陳葵 刪定

收靨賦

痘出八九日來應結乾紅痂疔如或少有不順坐此方
作膿窠漿成蒼蠟自宜次第收成身重發熱停漿不易
結痂此則陽亢陰虛引以清涼收斂痘瘡焦落辨別陰

陽人中上下先靨為良若是足腰先歛黑多凶少吉要提防兆自唇吻子漿吐結如珠粒斷人唇中兮却分點以意量額上平乾兮慮乎倒靨額間先收兮謂之不祥痂不着而壅腫兮因榮血之淖澤瘡盡裂而縐揭兮此衛氣之殘傷漿足氣促恐因痰壅而然忽爾發驚乃或小便閉結便閉未通裡氣熱而涼導便澹不食中氣虛而溫養熱傷皮毛兮肺金不收餘毒濕傷肌肉兮脾土不燥殘漿頭瘡膿灌不平兮孤陽不生足瘡包水不乾

兮純陰不養

頭為陽足為陰氣血難到

飲食減少兮引日而斃煩熱

增劇兮倏忽而忘如見氣虛而塌陷溫補可興若或倒

靨而焦黑攻發則活泄瀉安寧虛而少毒能食便結實

則無邪肺寒自然利膿溫補為上臟毒必定便血解利

為先挫喉聲啞漿行飽滿亦無妨塌痒咬牙便實聲清

猶可治靨來痂硬變症終無死脫如麤須愁餘毒攻發

或至太過潰爛難行收拾身熱若見燎人泡發燎漿可

畏空遺痘殼不成痂只為漿清熱重腹脹喘呼而塌陷

皆由毒入內攻出來不灌黃漿痂疔猶如血赤若曾于
先此症斷之極美胃氣絕則口唇腫硬肝熱盛則目睛
眇白喘瀉煩渴要辨虛實寒熱或瀉或澇好飲湯者虛
寒也便實身熱好飲冷者實熱也喘急發于瀉後總是
氣虛而斷便泄繼以渴飲豈為內熱而然泄瀉而煩渴
不止理宜補益升提好飲而發渴愈甚尤當分別虛實
內虛寒戰痘瘡無變只溫經漿足難收便實熱蒸須解
利進清涼以助結痂以補法而防過益調氣血以成功

健脾胃而收拾

屬期總論

痘不問疎密但以出盡而無留伏為佳次第而出大小不等至漿屬之時于空隙之處出猶未已是為出盡無伏也一齊擁出後無補痘是謂出不盡有伏也發之透者細觀手足若充拓飽滿方謂之透蓋手足位遠若平塌不能成膿此毒不能旁達四肢必復陷而入也是為發之不透收之齊者不疾不徐自高而下痂皮潔淨中

無潰爛方謂之齊若收太急或不成痂此必有熖火逼之也是為之收不齊若此者皆有餘毒

收靨不可以日數拘也輕者易出而易靨重者難出而難靨復辨其輕重標本形勢故人中為任督二脉交會之中自初以至收靨皆先決于此謂陰陽和暢也飲食如常循序漸收自人中以及兩顴腰背額上太陽手足無他症者吉漿足只服補脾利水和氣之藥故靨期胃弱者先補脾有餘毒者先解毒雖有禰症不可過用寒

熱之劑致傷胃氣

顏色慘黯初時宜于活氣血謂脾胃劑中兼解毒舉發
否則必有餘毒癰疽之患

若未足收不速宜發餘毒或生怪症輕者殘廢重者夭
亡

若先收頭顱手足心者為邪氣攻心內臟先壞不可救
也必不得已服五苓散

正收 元氣實者加必循次而實結如口角與陽物先

結正收也身漸輕快腫漸消解眼朦朦而欲開能食便調從上至下而收結厚色猶紅痘事畢矣

遲收 髮際以上陽中之陽也足膝以下陰中之陰也所以二處獨宜遲收若二處先收者一謂孤陽不生一謂寡陰不長皆凶候也若遍身收惟此二處不收往往勿藥自愈至若延綿日久又為陰陽不和用四物湯去地黃加牛膝 升麻 紅花 荊芥

鼻上先收言言凶其論不同總之未收時要着膿色

既收時要看靨色

有似靨非靨者須當辨明成膿之後鮮明肥澤飽滿堅實手抵之瘡頭微焦硬者此欲靨也痂殼圓湛無凹凸乾結如螺靨滿面膿囊結聚如珠子磊落可觀無有淫濕破濺者乃正靨也惟兩耳與身上同收謂之不合格若頭穿膿出堆積如雞屎者次也皮似膿出痂薄如紙者又次也爛不成痂膿汁腥臭者下也如已過期譬如瓜菓熟久則爛此造化之常還作順者若未及期則為

斑爛變倒靨而死

凡危症氣血本虛必因多服補劑而有膿色當收靨時雖有熱症只可于補劑中少加涼藥若竟用涼藥或下利藥欲令速靨則虛者重虛毒反內攻而死矣

關脫痘靨

痘靨至關脫緊要處猝然而死如被鬼魅是也良由發毒太過逼盡元氣痘難灌充無力收功外囊似實內氣已脫亦有不謹外邪逼毒內攻不節飲食致傷中氣皆

能回靨至各關轄而死如頸上喉突氣窩肺之關也餘可例推一臟氣絕則至其關而死

水靨 膿久過熟漿水淋漓竟不結痂能食者內以葡萄時時食之為其能收靨也外以枯螺滑石等末摻收之

中靨 根窠紅紫毒尚未盡靨後重復行漿結實如雞屎宜生血解毒

秘要四種倒靨症

弔喉症 脾部之靨四邊殼起離肉中間釘住肉上不脫頂有血痕如繩吊之狀靨至喉嚨而死此毒復入脾也靨未至喉者可救用連翹 桔梗 薄荷 前胡

各八分

射干 枳實 天花粉 山豆根

各一錢

錐心症 人中四圍靨起中心釘住不脫靨至心頭如錐入心痛極而死此毒復入心也靨未至心者可救用

蓮肉

一錢五分

青皮

陳皮

各一錢

香附

石菖蒲

荊芥

通草

各八分

牛黃

二分

當歸

金銀水煎

定星症 滿面靨起四邊中心釘住不脫靨至左腕眼
必直視不動未至左腕用陳皮 茯苓 遠志 當歸

白芍 甘草 蓮肉 川芎

攏白症 前症靨至右腕眼白必上攏反視未至右腕
用遠志 茯神 麥冬 山梔 石膏 通草 南星
甘草 朱砂水煎服 已上通用蘇合油和生蜜潤之
或醃雞油代之

玉髓十六種倒靨

魚鱗屬 半邊嵌肉半邊脫肉惡痛身熱喘急

半蓬屬 一邊脫一邊留喘急頭痛

一字屬 兩頭脫去中間留一帶惡嗽壯熱

神針屬 四圍脫起中心牢固痛極而吐熱極而詘

盤蛇屬 中心脫去四圍鑲嵌煩躁作喘睛豎手撒

鎮心屬 四圍捲去中心獨存面浮氣喘腹痛飽滿搦

搦

螺螄屬 脫屬後中心出惡血惡痛浮腫即死

榴皮屬 脫屬凹白腹脹即死

梅花屬 痂去而色白宜補

還魂屬 遍身脫盡而頭頂三五屬不脫破損又感風

邪必死

命盆屬 跌撲以損元氣或客外邪亦死公孫太白三

五粒不脫者忌之

望月屬 眼部一粒牢嵌時時出血用當歸湯洗之

闕池屬 氣喉底下一粒不脫去之喘促而死

渠塘屬 一月而痂不脫宜保脾胃若嘔吐泄瀉者死

鈎鏤屬 二月而痂不脫體虛焦熱眼腫吐血者死

原屬 三月而痂不脫此家凶之兆壯熱泄瀉者必

死

屬期斑爛等症

起脹時當發散而不發散則毒氣閉塞以致喘促悶亂
不當發散而發散則空虛邪入毒發于裡風應乎外風
火相搏尚未成膿遍身潰爛此名斑爛與膿熟潰爛者

不同其潰爛者火勝也熱勝內腐火生于空非虛不然
乘之以風其焰益烈

屬期潰爛須當看其有無成膿皮肉潤澤膿水浸淫方
有生意若已成膿而潰爛是毒已化能食無他症者不
妨但當和脾胃避風寒慎飲食自然平復

倒屬以致潰爛此氣盛血虛無收斂也因前失于養血
過于補氣所致宜用犀角地黄湯加川芎 當歸

悶亂詖妄陽極陰生重發毒瘡不能結痂遍身潰爛此

氣血兩虛也宜用十全大補湯加麥冬 山藥 棗仁
遍身潰爛和皮脫去亦名倒靨此中氣不足毒氣內陷
也用保元湯加當歸 川芎 木香 乾薑 山甲以
托之外用大黃 龍骨 赤石脂為末敷之若皮膚不
知痛贈痘不補出名為內攻不救

膿未成而潰爛者則衛氣暴泄津液不榮宜調脾進食
安養榮衛生肌解毒用十全大補湯去肉桂加荊芥
防風

發表太過陽氣不守臟腑自利內虛斑爛急宜救理用
木香散陰厥者用異攻散

衣被過煖向火飲酒過熱以致潰爛不痂者急宜安置
清涼托裡解毒以黃芪 白芷排托青皮 桔梗理氣
防風 蟬脫疏表甘草 牛蒡解毒

潰爛無皮膿水流粘用內托散去肉桂加荊芥 防風
外敷敗草散秘旨蘇葉方

痒塌抓血而斑爛用內托散加首烏 木香 蟬脫

牛蒡 白芷

潰爛而兼雜症如兼便秘用牛黃丹兼煩躁用山梔湯
猪尾血調冰片敷之兼大便自利用豆蔻丸

暑月熱甚而潰爛用水楊湯浴之卧芭蕉楊柳葉上

過汗內虛或飲水多而潰爛用保元湯加防風 白芷

蒼朮 茯苓或除濕湯痛者用敗草散黃土散滑石末

痒者用綿紙捲荆芥穗成條然煤乘熱刺痘上或乾荷
葉薰或茶葉歸芪烟薰若已成膿過期不靨潰爛淋漓

膠粘疼痛非發之太過必補之失宜用敗草散滑石末
惟成片枯黑如火燒湯潑者死

攻發太過中氣不足潰爛脫皮者倒靨也用保元湯加
連翹 牛蒡 薄荷 桂枝 木香或十全大補湯加
牛蒡 連翹

因過補而不痂者用枳殼湯加防風 牛蒡 芍藥
苡仁或五苓散

因過服熱藥臭敗潰爛者用小柴胡湯合回漿散或天

水飲猪尾膏小無比散或用蜜陀僧 滑石 白芷

螺殼研末敷之或將絲瓜葉 扁柏葉陰乾為末摻之

或黃連 輕粉為末調桐油敷之或猪肝汁研芒硝塗

之或蛤粉敷之或服荊芥 防風 白芷 升麻 連

翹 牛蒡 黃芩 甘草

坑爛不收口者用滅癰救苦散合百花膏敷之或三黃

末合綿繭散敷之或生肥散或當歸太乙膏貼之或用

松香醋製研末拌燈窩油捲草紙內燃火滴油塗之或

用白螺殼 蕎麥麵盛囊席上襯卧

內自結實外浮空殼脫去名坐漿回又名從漿回不妨潰爛出血名陽瘡出血破腫作痛而不乾者名疔蝕瘡皆生陽分服大補湯敷綿繭散若生于肢節虛軟氣血少處血出色變腫痛漸開者不治

若倒靨出血不止名回陽泉連用胭脂胚加血竭救之立止胭脂胚要火煨存性用若在胸脇不治

几遍身潰爛者為為症瘡止數處潰爛者為疔蝕瘡皆

因氣虛血弱風寒相搏腠理津液澁滯而然也用後方治之使毒水流出

治潰爛各方

滑石散 滑石 白芍全煎一時去白芍又水飛過加珍珠末摻之

敗草散 羌活 獨活 前胡 柴胡 川芎 茯苓 只殼 桔梗 人參 甘草

摻藥方 牛黃 冰片 輕粉 雄黃 黃丹 白芷

龍骨 乳香 沒藥 川椒 血竭分等 為末 搽之 或油

調塗之

蒺藜散 白蒺藜 淡豆豉分等 醋水調塗

青金散 白蒺藜 山梔 青黛 膩粉分等 為末 麻油

調塗

綿繭散 繭子入白
砒 蜜陀僧 白芷調塗

韶粉散 韶粉一兩 乳香三錢 輕粉一錢 猪油調塗

生肌散 黃柏 五倍子 甘草 地骨皮分等 為末 搽

之

又方 象皮 白占 龍骨煨 血竭 輕粉 地鼈蟲

白石脂各一錢 赤石脂四錢 乳香 沒藥各一錢 冰片少許 搽之

又方 滑石四兩 寒水石 白芷 蜜陀僧各二兩 枯礬

螺螄殼 牛矢各二兩

又方 絲瓜葉陰乾為末搽之

又方 萊豆粉炒至象牙色為末搽之

又方 象牙末 白殭蠶 孩兒茶 油脂調敷

又方 苦參浸酒 牛蒡 荊芥 蒺藜 首烏 荊芥穗

酒糊為丸竹葉湯送下

附潰爛痘案

一痘手足腕膝之處瘡窠連串作一大塊膿化成水停蓄于中恰如囊袋皮不破水不出乃裡肉已好皮剩于外也用針決去其水乾落而愈

一痘痂脫盡惟正額一粒潰而不斂四九日後作痒破出臭膿聲啞悶亂而死

一惟頭上一粒不斂廿八朝瘡甚出蛆盃許聲啞悶亂而死

溫疤番癰

痘已從頭至足已脫痂矣忽然發熱舊疤內重復出痘
灌膿作痛苦調理失宜則破囊腹脹陰陽不分死在旦
夕

復灌頭面防腮頰穿如漏井眼沿穿如湧泉

復灌腹背防遍身釣痛如蜂蟻皮肉深爛如沉石

復灌手足防直而不屈如筆或屈而不直如磬

復灌陽毬防陰囊皮爛而脫

已上各症皆因收痂太驟毒氣未盡或誤溫補多啖肥
甘或見風太早所致若調理得法則邪毒外散決無此
患用歸尾 荊芥 防風 連翹 牛蒡 金銀花
天花粉 苦參 甘草或荊芥敗毒散加人參外浴水
楊湯若變痘瘡瘡用苦參散

初標失散餘毒故發于痂後重者遍身倒爛輕者一二

處重發用四物湯加黃芩 黃連 苦參 荊芥 防
風 苡仁 連翹 銀花外用綿繭入白礬少許火煨
溫疤方 赤豆 山豆根 苦參 麻油入竹筒內火
煨取油調三黃末塗之

又方

苦參

錢三

檳榔

五

錢

硫黃

錢一

明礬

五

分

共為末

摻之

痘癩

氣血虛弱外受邪氣內留餘熱風熱相搏搔痒潰敗名
曰泄氣久而為癩宜大補氣血清熱解毒若至敗面墜

鼻崩唇盲目肢體殘傷不死亦為廢人用十全大補湯
合苦參丸外用滅癰救苦散塗之

收靨順症

毒已出盡膿乾如蒼蠟色蓮肉色肥皂色葡萄色皆有
神氣從口鼻兩旁面部收起至腰背胸腹而下然後額
上與手足一齊收痂逐漸脫落內外無症身漸輕快飲
食二便如常

有大如菜豆易于漿行口唇收起頭面與身一齊靨如

螺螄靨者吉

有初點時尖頭即起頂上略見膿漿五六七日之間即收痂甚速者吉

靨期逆症

爛如塌餅臭不可近目無神光者難治急宜大補氣血托毒收斂用內托散加黃芩 白朮

初點碎小起脹紅綻漿薄收速狀似魚鱗損于皮中必至四肢發毒須治之使再行漿則毒方盡用保元湯

破損無痂狀似竹衣速宜內托健脾使復灌膿可生用

保元湯加川芎 當歸 山甲 角刺

諸處未灌而唇口上下先收者毒攻脾也

未靨而口唇白先爛及舌者胃爛也

頭身未靨而脚先靨者陰勝陽也

遍身發痒抓破無膿捲如豆殼皮薄如梅花瓣者假靨也

玉髓云天府不充一陽不峻兩顴不起靨平皮貼靨帶

飄蓬痂去皮白痂脫窩潭目無神氣鑲嵌乾枯偶軋皮
脫三焦有破皆危候也

收靨死症

灰白痒塌寒戰咬牙吐瀉腹脹飲食不進爛咽唇白歪
舌昏悶作坑尸臭手足動搖面瘡已破腫消目開未痂
倒靨

頂上有孔流水如天瘡或自出水而乾黑

口渴煩躁不食不睡內有毒也不食而口唇常動如食

狀額如堆屎鼻準兩傍乾黑口唇焦迸皮揭噎水失聲
痰壅喘急兩腮乾破如石痂皮不脫目開咽爛腹痛目
無神足冷至膝脉細無力脈至頂下胸前住定
遍身皆靨內遺數粒不靨猶能殺人

收太急者一時痂盡一痂即落也此因火毒煎熬津液
氣燥血枯以致速乾正欲回漿先從手足靨起此必膿
未足也若聲啞喘促煩悶不食死期近矣否則必為目
疾為癰毒諸症疾甚至橫夭用五仙散治中散以救之

亦幸而生耳

凡痘不能回漿結痂以致危而或死者皆因膿期失治之故

收靨四日症治

收靨第一日 此時痘漸回漿色暗如菜豆色若有吐瀉者是元氣內傷也亟用米飲加生薑汁化保活丸治之 若因吐瀉以致陷伏者加大成散五苓散 若形色俱正有不回漿者氣血不足也宜輕補之 若向來

不失調理膿漿完滿猶不回漿者不宜妄藥但從容以待之不可過補致生瘡毒

收靨第二日 正當回漿結痂或因觸穢痒塌內陷而難結者用酒下大成散或五苓散仍薰香解之 或因外感風寒用薑湯下治中湯 或因飲食寒冷而吐瀉化下聖功丸 遍身搔破尚有數個紅活者猶有可救用異攻散若手足冷而寒戰洞泄痒塌者是極陰無陽也 將欲成就之際却色淡者治宜助血用川芎 當

歸芍藥 紅花之類 全白如菉豆殼者因初時飲

水太多故靨不齊用小柴胡湯加枳殼或少用四順清涼飲 小便澀者用大連翹湯甘露飲麥冬五苓散

收靨第三日 至此宜多結痂若乾紅無膿不結者死

谷在失於調理 痘瘡用藥自有權度大小二便不可不通秘則壅遏毒氣而變生若大便秘自利黃黑色乃毒氣已減不必用藥但少用化毒湯可也然必壯熱神躁不思飲食者可服

化毒湯方

金銀花

二錢

嫩紫茸

升麻

甘草

各五分

加

粘米

五十粒

煎服

收靨第四日

自上而下者為順靨自下而上者為逆

靨靨起手足而腹脹滿者重不可以其收痂已定而概謂之吉也用五仙散治中散

靨期主方

別無他症者用保嬰百補湯為主若有他

症照膿期及後開雜症加減

保嬰百補湯方

人參

白朮

茯苓

甘草

陳皮

當歸 白芍 山藥 熟地 桔梗 蓮肉 大棗

屬期雜症加減法 有熱用主方加黃芩 連翹 木

通 有濕用主方加猪苓 澤瀉 防風 蒼朮 不

易屬加欬膿散 氣虛加黃芪 官桂 十日九日用

益元湯加黃芩 芍藥 腐爛不收用防風 白芷

白朮 口渴用五味子 不成屬用蓮肉 芍藥 苡

苓 白朮 麥冬以欬之 屬速用附子以補其氣後

再入人參敗毒丹 痂不燥用白朮 白芍 五味子

爬破痂爛目閉復開珠赤身熱用人參敗毒散 牽

搗用熟地

薑汁炒

羌活

防風

菖蒲

獨活

痰擁氣

急用黃芩

茯苓

麻黃

驚期應用藥方

原闕

靨期雜症 發熱 倒靨 腹痛 昏睡 發臭 泄
瀉 眼疾 瘰癧 潰爛 發出癰疹丹瘤 口牙唇
舌生瘡 便下膿血積滯

靨期雜症治法

收靨太速 熱而便實者宜微利之以徹其毒以當歸
丸主之或用黑牛糞後尖燒灰每一兩加枯大黃三錢
黑糖調如圓果大每服一丸微去穢毒以平為期

觸硬成疔 漿滿觸犯黑陷深爛中有硬肉者即同疔

也若在胸腹深如田螺必穿臟腑遲則不救惟頭面手足可治宜先挑出其根嚼生黑豆頻罨之候至肉平用解毒膏生肌散斂之

險非結痂 漿未灌頂未滿忽然腫退目開痘脚散濇蓋因津液枯竭氣血虛少內毒未除症之極險者非結痂也連用四君子湯加荊芥 連翹 防風 桔梗 麥冬

兩耳先收 當辨耳之冷熱治之耳冷者用枸杞子

破故紙 知母 當歸 白芍 山查 陳皮 白朮

乾薑 耳熱者用黃連 黃芩 川芎 厚朴 甘草

當歸 白芍 木通

不及期而收斂太早防發餘毒身無大熱者用白朮散解毒飲若身熱者只用解毒散加金銀花五錢

收痧遲難 收太遲而食少者中氣虛不能充就也用參歸解毒湯加蟬脫或保元湯敷敗草散以溫表調中不食用人參白朮散去葛根 加肉桂小異攻散加

木香 青皮

當歸不屬 非氣虛必血熱也從唇舌之紅白辨之
氣虛用益元湯加人參 黃芪 丁香 肉桂 血熱
用百補湯為主加黃芩 黃連為佐

泄瀉氣虛 必手足厥冷寒戰無陽以斂之也用水香
散異攻散參苓白朮散加蟬脫外敷敗草散 二十日
後多肢厥用丁香 肉桂

表虛不脫 表虛以致痂疔粘皮不脫者用保元湯加

川芎 當歸 官桂

裡虛不斂 裡虛血盡以致濕潤不斂者用保元湯加

黃芩 白朮或六君子湯

氣血兩虛 失補氣血痂皮不脫更加沉重者用十全

大補湯加麥冬 棗仁 血虛脈不齊者用四物湯加

蟬脫

風寒遏抑 以致難收者用薄荷 肉桂 赤芍 牛

蒡 殭蠶 防風 川芎 當歸 蟬脫或五積散桂

枝解毒湯或姜酒調下治中散 寒戰咬牙者化下聖
功丸用乳香燒烟薰衣被

糊塗成疔 若正靨痂起自脫或面上收足成片瘡頭
雖焦中蓄膿漿者此是原痘太密糊塗成疔所以毒壅
于裡不能起發作膿結痂也用滅瘢救苦散和百花膏
塗之膿盡成痂矣

炎暑熱蒸 以致不靨陽盛陰虧也宜清涼解毒用甘
露解毒湯人參白虎湯或用犀角 猪苓 澤瀉 麥

冬 骨皮 木通 連翹 甘草外敷清涼散天水散
大便秘用宣風散導之

過補裡熱 便閉裡熱或溫補太過以致不收者宜涼
解微利之用三黃末或宣風散蜜導法

毒盛不痂 血泡脹起而不痂者用猪尾膏

頸腰不痂 毒盛而頸下腰下不結宜清之 便閉用

當歸解毒湯 溺溢用四苓散加黃芩 黃連 木通

滑石

飲水淫濕 因飲水淫濕不收者宜內滲其濕外燥其
表用除濕湯五苓散或四君子湯加防風 白芷 桂
枝外敷敗草散

症危脉在 精神已昏飲食俱廢僵卧如尸而不結者
胗其脉猶洪實調勻急治以升麻散火湯加當歸 黃
芪 木香 青皮 蓮皮連進三劑得壞症復起贈痘
復出人事清爽飲食如常者吉

不焦色好 元氣不虧膿足毒解至靨期久不焦只看

痘色好亦不妨宜補脾利水而痘自斂用蟬退散或回漿散象牙散或沸湯調黑沙糖飲二三盞結疤而愈但沙糖不可早與之恐引痘入目也外用紫草煎油塗之收痧發熱欲結不結欲落不落不可純用氣虛補藥屬期非微熱不能熨膿結疤若蒸蒸發熱口渴煩躁此雖似虛而毒亦未盡也宜解其毒退其熱而痘自收也用清表散毒湯或當歸芍藥人參柴胡秦艽骨皮淡竹葉脾倦用苡仁茯苓神加黑用連翹

銀花 溺澁用澤瀉 木通 燈心 痰嗽用桔梗

花粉 渴甚用麥冬 烏梅 五味子 身熱渴者脾

胃虛也宜用 白朮散木香六君子湯 煩躁手足熱

欲冷飲者脾胃蓄熱也用人參麥冬湯 五心熱日晡

潮熱面赤心煩者肝脾血虛也用四物湯加逍遙散歸

脾湯 便閉用四順飲解毒湯

不屬作變 虛弱痘九日至十二日不屬或變白變水

泡與初點灌期不同切不可用保元湯中有黃芪恐助

氣壅塞也急用補血散救之 反蝕正氣而熏灼頂破
膿出堆聚如乾飯如碎松香無痂者必口有熱氣腹滿
悶亂掀衣若不清解邪毒攻心為害不淺用生犀汁調
六一散或宣風散猪尾膏

餘毒未盡 用加味平胃散加味白朮散

餘熱未盡 狂言弄舌痴醉之狀此先煎失解有餘熱
未盡也用宣風散

過服熱藥 初熱時過與熱藥發之見點後又以熱藥

補之以致停漿不活或中墮而不包縱包必不結即結必不乾此症多于漿後見之用黃芪五味散

過用涼劑 以致寒濕侵脾滑泄氣短倦弱不靨急宜安脾可免痒塌倒靨用除濕湯以內滲其濕胃苓湯以和脾安胃

虛寒頂陷 灰白頂陷吐瀉寒戰咬牙用木香散內助丹 作痒用當歸 白芷 蟬脫 足冷氣促用附子水泡去其惡水而膿自乾倍用茯苓 白朮

痒塌 穢觸痒塌內陷者用酒調五仙散外燒祛穢丹
熏被内外夾攻使其依舊發出者可救

爬去皮 遍身爬破仍存幾個根脚紅潤光活者猶有
生意用治中湯救之 皮去而猶有血水者可治用保
元湯加川芎 當歸

忽然不食 久不食而今思食自少漸多此胃氣復也
方始能食而多食無節乃胃敗火盛邪火殺穀故也名
曰除中猶燈將滅而暴明

泄瀉 九日十日結痂至半而作瀉者不必慮乃陽氣

內回非灌膿時比也切忌止澁之劑若一誤用必不食而變痢用保嬰百補湯加茯苓 白朮

唇舌紫黑 收期而唇舌乾紫連結渣滓而頰紅色者

將成肺癰也用解毒湯加麥冬 知母 百合甚則大

連翹飲加桔梗 知母 棗仁

收痂體痛 此必發毒也諸痛為實外痛而內快也外

快則內虛矣宜活血解毒

不結復灌 先因皮薄破損多用補藥雖能逐毒或膿重復腫灌然正氣終為邪奪至此仍衰不能遏毒成痂身復發熱也用參苓白朮散大補湯

復灌補痘 能食便調補出贈痘更無他症者吉此正氣尚強發毒出外也否則漸成蝕瘡難治

復灌不救 如不食成餅焦裂崩塌諸壞症悉具者不治

已靨作變 痂乾圓滿忽又戰慄妄言煩躁發渴乾嘔

者正氣不接濟也用生脉散加燈心

收遲發厥 十三日痂落者上也十七八日次也二十四五日者下也至此血虛氣虛每多四肢厥冷急宜溫其脾胃用木香散倍用丁香 肉桂不可恃其上身既收而玩忽之也

乾痂不落 八九日目腫微退痂似乾而薄如紙或有內毒未除亟宜補血涼解失治則變凶也

痘痂氣息 痘至成痂時必有氣息但微有辨腥臭者

佳尸臭者死全無氣息者必有餘毒也

痘痂不脫 乾硬嵌入肉內日久方脫遂成班痕用韶粉散真酥蜜水調之或乳汁蜜水調蜜陀僧末塗之或鷹屎白散馬齒莧散四白滅癰散蒺藜散俱可選用或生蜜蘓合油調塗四邊無蘓合油以腌雞油代之

妄治生變 脫痂未盡內外無邪只宜慎飲食避風寒而已過治之反傷其正以生變妄補之反加煩渴身熱發瘡發斑發疹諸症蜂起矣

脾虛不脫 當防變症

搏損 肺主皮毛脾主肌肉其氣不足故難脫不可搏
損復灌番覆潰爛多成疔疾用調元固本湯或人參白
朮散加黃芪肉桂等藥

發表太虛 以致肌肉不密無力收斂粘肉不脫發瘁
者用人參固肌湯

餘熱不脫 因餘熱為患當脫不脫者用大連翹飲去
紫草 甘草 加地骨皮或辰砂六一散紫苓湯外以

蜜水調入滑石末塗之更妙

血熱血虛 以致不脫者宜保護勿令見風用人參錢一

分五芍藥錢三炙甘草錢一麥冬錢五五味子錢六懷生地 金銀

花錢谷四水煎

熱留肌表 過用辛熱熱留肌表痂雖乾好粘肉不脫

者用升麻湯加荊芥 防風 蟬脫 連翹以去肌表

之熱即脫

頭面不脫 只有頭面不脫者毒流陽分也用大連翹

飲去柴胡 甘草加白芷外用羊嗣骨散塗之

痂色分治 十二三日色如火燒烟薰者生死易決音
不清食不入破處乾枯煩亂不寧死症也聲音清口能
食爬破淋漓睡卧安寧神清氣爽生症也宜分虛實治
之唇舌潔淨宜溫補而兼清解唇燥舌胎宜解為上解
後胎自然去繼以平和則攻與補兩得之矣

十日補利 痘至十日而補脾利水言其常也若險症
至此方始作膿何可概用苦寒也苦寒滲濕乃膿足毒

金匱要略卷之七
重用為後隊耳當灌膿時何可謬施乎痘限日期為初
學計耳治法在心思巧妙當補則補當瀉則瀉勿泥死
法始可為醫耳

屬期治案

一漿足屬疤忽然紫黑穢氣觸也用十全大補湯加水
香治之而愈

一痘痂厚而乾燥身熱咳嗽風寒客肺也用麻黃湯取
微汗而愈

一痘痂麤薄粘而不脫昏睡肉熱脾虛血少也用調脾養榮湯而愈

一痘痂乾黑不脫身熱煩渴不寧悞以為不足之故大補之枯槁而卒

一痘同前症以犀角地黄湯加連翹牛蒡火漸平而痂脫此毒火盛則水涸之故也

一痂厚乾黑不脫身熱煩渴詒妄不寧火虛血熾也用四物湯合生脉散加棗仁而愈

一漿清痂如麤此正氣不足不能化毒也以補中益氣湯加山藥兩曲池發瘰毒而愈

一痂白如麤便溲減食中氣不足也用參苓白朮散加陳冬米肉果而愈

一兒大痘順漿足恃其順而飲食不節以致腹脹漿停色滯用消導藥而漿不足如故此食雖消而正氣受傷當調脾益氣助漿收斂竟失于治至十四朝變內虛倒陷漿反化水方用補益遲而不效致喘脹而卒


一痘十一日漿水痂膿未足此虛不能托毒也用水香散加黃芪蟬脫而愈

一痘十二日上身已痂下身灰白不充頭溫足冷用水香散加附子黃芪而愈

一十五日遍身結痂但足下未焦寒戰咬牙用十全大補湯加附子而愈

一十六日膿滿不痂及寒戰咬牙此不足也用溫補而愈

一痘同上而頂突根紅此陽火有餘胃熱也用白虎湯而愈



仁端錄卷七

欽定四庫全書

子部
仁端錄卷八

詳校官太醫院醫士臣程泰

編修臣倉聖脈覆勘

總校官庶吉士臣何思鈞

校對官學正臣常循

謄錄監生臣鄧以伊

欽定四庫全書

仁端錄卷八

明 徐謙 撰

陳葵 刪定

痘後餘症賦

痘成痂疤雖云生意已成餘毒變遷猶未可為全喜是故眼合腹脹猶蹈危機肢體虛弱尚罹凶咎痂或成而致失聲前疔恐為黑陷腫未消而眼光開眼開疑是內

攻陽毒盛而狂呌喘呼腸胃傷而沉吟不息風冷入胃
則利下膿粘熱滲膀胱則便難尿血身熱審其虛實音
啞觀乎嘔噎忽洒淅而肌熱者知風寒之外感暴吐瀉
而腹痛者必飲食之內傷熱毒逗留不化結痞而壯熱
憎寒經絡各遺餘毒日晡而往來潮熱發在午前為實
熱煩渴腮紅發于申後是陰症便調食減他如撮唇弄
舌心經熱盛何疑撮肛抬胸肺胃毒冲有準身熱燎人
便秘恐成急暴驚風悠悠潮熱便溏久變慢驚風搖駢

喪明于眼合羞明肝傷風熱徵口疳于唇焦鰕黑胃蘊
火邪實熱下注大腸必有秘結之禍虛寒客留臟腑乃
成泄瀉之疴咳嗽有標有本喘渴有實有虛痘若敗壞
乎補空痘勿嫌翻次瘡如潰爛兮成潰瘡莫厭膿漿利
多水液乎此蓄水之症也水去盡而自止便多膿血兮
此倒靨之症也膿去盡而或良病有苦而眩運凶多吉
少身無邪而昏瞶否極泰來聲音不出求諸肺腎之經
斑疹復攻責在心脾之臟疳蝕出血者難治洞泄完穀

者莫醫欲觀痂落之餘再審斑痕之色桃花光澤榮衛俱安紫黑乾枯高留風熱粉白為氣血之虛週歲也應身逃走馬狀牙疳之烈月餘亦見亡軀遍體赤斑乃是失于解利渾身青紫多因客犯風寒餘毒未消不特為疽為癰見風太早尤防發瘡疥癩皮肉腐爛兮一面點癍而似鬼瘡毒流注兮四肢殘廢而如疔疥斑嫩而洗澡餘熱因添臟腑虛而肥甘內傷致損若感風寒多為咳嗽不時搦搦即灌蝕瘡

痂後總論

痘至脫痂固已吉矣然有應脫不脫或脫而不齊此時尤當辨明之蓋痘後氣血已損虛火易熾不可因循失治致生他變有過一月二月三月而死者不可以痂既脫而忽之也欲知餘毒之有無但察其身無熱口不渴二便調腹不痛精神漸旺飲食漸加此無餘毒也若身熱煩渴腹痛泄瀉小便赤澁大便堅閉精神昏憤四肢倦怠飲食減少坐卧不安此餘毒伏藏後必有災也

痘痂如桃花色或粉紅色疤痕已哭上有薄薄小靨如魚鱗一二層者名託靨是有苔也後必無症若無託靨無苔及疤痕凹而白色光潤者後必犯他症而死所云疤痕光滑又無苔週年雖過未消灾亟用內托解毒之劑如十全大補湯三合湯之類服至疤痕色紅為可救耳

自食痘痂者因內無毒自覺痂香故飲食之雖有他症不死然亦不宜多食若多食輕則瘡癰重則變症亟宜

服神異散一二劑則不食矣

有出已盡發已透痂已齊而亦作餘毒者皆由過于溫補失于飲食傷于風寒所致故治痘後餘毒或溫補或發散或解利要分表裡分臟腑分虛實分部位而治之不可妄投也

痘後當解利世俗通論也然必審其虛實如稟受素實榮衛充壯病後有熱者分別各症解利之若榮衛久虛坐立振搖大便不開小便不赤飲食少進者宜調元和

脾以扶持之侯其飲食如故起居稍勝榮衛既充然後漸漸解利若至虛之人不必解利矣若固執解利之說遂為寒中下利事敗于已成可勝惜哉

餘毒各有所歸

痘後餘毒錢氏止謂有三一曰疥二曰癰三曰目疾今試求之五經臟腑而備焉

毒歸于心則為斑為驚悸為顛癇為痛痺為壯熱為汗為丹瘤為諸血症為咽乾而渴

毒歸于肝則為悶亂為水泡為腰痛為目疾為乾嘔為
外腫為吐衄為手足拘攣為寒戰咬牙

毒歸于脾則為吐瀉為腫脹為腹痛為不食為口臭為
舌本強為手足病為唇瘡破裂為手足發瘡

毒歸于肺則為咳喘為衄血為瘡乾燥皺揭為肩臂痛
甚為氣高喘息掀胸抬肚

毒歸于腎則為黑陷為多睡為骨病為猝失音為手足
逆冷為咽喉乾痛為飢不欲食為耳聾尚熱為敗瘡倒

靨

毒歸于腸胃則為泄瀉為利膿血為腸鳴失聲為大便不通

毒歸于膀胱則為小腹滿痛為溺血為遺尿為頭腫痛為目正視為陰囊腫亮

毒歸于諸經則為眼合不開為壯熱不清為鬱鬱不樂為身腫不消

已上諸症並為餘毒遺害詳雜症中

痘後熱毒

驚 心動不寧火主于動故驚

喜 心有餘

咲 熱甚火之聲見也

哭 肺病金受制也

恐 心火甚而腎水衰也

狂 心熱乘脾故四肢狂越也

虛妄 虛妄見聞自為問答神志失常如見鬼物

多言 舌為心聲心熱則多言

訖妄 心熱不清則妄訖

尋摸 尋衣摸空肝熱風淫也王氏以為肺熱是肺為體肝為用也

痲後醫藥大法

毒太盛者至痲後尚有餘毒宜活血調脾解毒為主痘太多者收結還元之後藏氣發泄已多氣血耗散已甚毒未盡而元神極虛是以欲用涼藥解毒必須用酒

炒其體弱者或加參芪芎歸之類以救氣血若驟用寒涼峻攻多有一投就死者

痘後疤色

真倒靨 落痂後疤色身面俱黑暗者恐先前膿不透收靨太急宜察其表裡若壯熱大渴煩悶昏睡少食便秘或大便利此真倒靨也

似倒靨 身溫神爽食漸加二便調者雖疤色身面俱黑乃痂癢本色勿慮也用滅癢散臨睡水調抹之瑩白

如舊更宜勿見風日為妙

疤色淡白 此肺氣虛而氣血盡也一月後主發喘而
死急用補湯

疤色紅紫 此血熱毒壅而身熱煩渴也宜涼血解毒
痘順赤色 此必食辛辣藥物所致或乳母蘊毒也用
逍遙散加丹皮山梔木通子母宜並服

痘痂紫色 如過于補益痕紫又見發斑者用解化斑
湯

漿清疤白 氣血不足又因漿清所致用保元湯合四
物湯加白朮陳皮紅花陳米 有表熱合升麻湯 有
裡熱合解毒湯

白兼痒塌 痘疤色白兼作渴發痒便澹是氣血俱虛
脾胃不足也若失治數日內防滯下之症當大補中氣
使疤色紅潤二便清調可無虞也切勿忽視

疤痒 靨後疤紅作痒者必至再舉

疤痛 作痛而重手按之不疼者久必成虛用八物湯

加減

疔突 此風熱毒未盡也用解毒防風外用蜆子水磨之

疔突方 殭蠶 雄黃 兔絲子 白芷膏 本鷹尿

白 白燕窠中草黃為末蜜和人乳塗之以滅其疔

疔凹 脾胃虛不能生長肌肉也用人參白朮散加黃芪

疔後吉症

原闕

痲後凶症

目睛突出齒白無魂失神失智不省人事不治

痲後發驚目閉無魂吐瀉腹冷面青唇白乃心氣不足
神無所依也不治若不至于此者可救

痘痲已脫初無所苦但目睛無神必逾月而亡

痲後牙齦惡臭不可近者胃爛也不治

痘後餘毒主方 宜調元調脾活血解毒主治 氣血
不調尚有餘毒諸症將作用調元解毒湯為主

調元解毒湯方 白芍 白朮 茯苓 甘草 桔梗

連翹 木通 山藥 生薑 大棗

痘後雜症加減法 毒甚臭爛用木香 下痢用檳榔

泄瀉用猪苓澤瀉 氣脫用升麻 嘔吐用連翹橘

紅 熱不退用黃芩骨皮 傷食用山查麥芽 風寒

發熱用桂枝柴胡葛根 腫痛用木香下和中丸 乍

寒乍熱用人參黃芪柴胡官桂 厥冷去連翹桔梗加

人參黃芪肉桂 神昏喜睡去連翹桔梗加人參茯苓

麥冬 溺短澀用車前木通 自汗用人參黃芪肉桂

驚搐用山梔木通生地 喘嗽用杏仁五味子麥冬

便難用杏仁枳殼 骨節痛加羌活 手足拘攣用

桂枝黃芪 腹痛用腹皮防風

胃苓丸 喘促用葶藶 口渴用人參五味子麥冬

吐血用黃連蒲黃 眼目羞明如風捲簾切忌點洗赤

腫而不能開者用清肝散

痘後應用藥方

原闕

痘後雜症 癰毒 目疾 痘疔 腹痛 嘔吐 乾

噦 措喉 噎水 咳嗽 喘急 驚搐 音啞 口

渴 減食 倍食 失血 發熱 厥逆 瘡疾 泄

瀉 下痢 牙痛 痂皮咽喉腫痛 舌上生瘡 唇

口生瘡 大小便秘 丹瘤斑疹

痘後雜症治法

多睡

痘後昏昏多睡者邪氣已退正氣未復脾虛也用調元清神湯或調元湯加麥冬合安神丸或用酸棗仁湯緩緩調理待氣血平復和暢而安

痘後昏昏睡自語或醒時亦如醉人每多錯語者邪熱入心也用導赤散解毒湯安神丸

痘後猝然喜睡狀如眩暈身無熱口無言別無他症者
乃邪退而喜睡否極泰來之兆也不須妄治不久自甦
只用抱龍丸調理

痘後多睡案

一痘後怠倦嗜卧煩熱喘滿溺赤便溏時值長夏脾胃
不足之故用清暑益氣湯

一痘後倦怠嗜卧便溏減食皆因胃虛不能主氣脾虛
不能主血運令不行化工失職用六君子湯加棗仁木

香

一人嗜卧呼之不醒晝夜皆然此氣虛脾弱清氣不能上升也用五味異攻散加當歸芍藥及歸脾湯而愈

一痘後炎暑急倦嗜卧食少口燥悶亂肌膚枯痒乃脾胃虛元氣弱不能實四肢充肌膚而潤皮毛也况值長夏熱傷元氣予以補中益氣湯合生脉散治之

不睡

虛煩不眠用竹葉石膏湯加棗仁

驚悸不食寒熱不寐乃心脾不足胆氣實熱也用茯神

遠志

栢子仁

防風

枳殼

生地

淡竹葉等

分九服或歸脾湯間服

日睡夜坐身熱汗出煩熱啼哭咳嗽潮熱用神效麥冬

湯若胃實用瀉黃散

胃虛用四君子湯加遠志

酸棗仁

桂圓

歸脾湯

便秘用承氣湯

胃為六腑之海其氣不行陽明逢不得從其道故不睡

也是以胃不和則卧不安

詒語

熱由于實必有餘毒故詒語

心血不足故詒語

昏昧不識人妄言如邪祟者熱入心胞絡也用導赤散
合安神丸待醒後用調元湯加麥冬 生地或四物湯
加石菖蒲 木通 山梔間服之以抱龍丸調理而愈
煩渴詒語用辰砂六一散

挫喉詒語用獨活清神湯

痂皮圓淨時或戰慄言語妄誕者乃正氣將復不能自持也須臾將自定若痂凹突多黑點者凶

口噤

痘後中風遍身青紫癰瘕口噤痰响者乃節合氣交八分不正之氣乘血氣虛弱而入者也用消風散加蟬蛻末一錢以薑汁薄荷汁入酒一盞調服得汗即愈或發癰疹或再出膚疹而愈或以抱龍丸調理或用小續命湯去肉桂 附子加荊芥

口噤僵直腹痛繞膝冷汗如雨痛定汗出而脉弦緊者
因疔內受風寒也宜散風養血用鈎藤湯加紅花

鈎藤湯方 荊芥 防風 川芎 紫草 白朮 白

芍 人參 當歸 甘草 官桂 青皮 黃連 木

香 鈎藤

腹痛

腹痛因傷食者用和中丸

腹痛因餘毒者用連翹飲

腹痛而唇白者此元氣已竭也

措喉噓水乾噦

措喉者食穀而噎出也

噓水者飲水而噓出也

乾噦者不能納穀時時張口似吐不吐也

已上三症皆由熱毒壅塞胃口之上毒火上炎危慮之症也若見失聲則咽喉潰爛不可治矣

咳嗽

餘毒入肺咳嗽多痰聲啞脇痛者蓋左右兩脇為陰陽之道路餘毒在中故常咳嗽二氣不能升降故脇痛但宜解毒毒去則真氣自行所苦自平也用小柴胡湯加枳殼湯或五味子

壯實人咳嗽者是肺氣閉塞風邪所傷也

瘦弱人咳嗽者是氣血兩虛乃肺傷也

若誤服辛熱而咳嗽者治宜清肺

驚風

痰熱甚小便澀或素有驚疾與痰者用安神丸鎮驚丸
牛黃八寶丹

目疾

凡痘初出即與清肝護目必無目疾故毒蘊于肝則目
疾此確論也詳見目疾門及前雜症中

口疳

凡口疳皆由胃熱也滿口白糜紅點簇簇者輕也用金
不換吹之唇舌腫硬牙齦黑爛成疳者重也或有爛入

喉者均服甘露飲吹靈棗丹

下痢

痘後患痢不論赤白皆毒入大腸也用香連丸為主

吐虵下虵

痘後熱毒在胃則吐虵用黃芩半夏湯加烏梅川椒或

黃連湯

痘後熱毒在大腸則下虵用黃芩湯加桃仁艾葉

聞食氣即吐下虵者此胃虛寒蟲無所依為熱所迫故

間食氣即吐下食已即易饑也用理中丸加烏梅川椒黃連

吐蚘下蚘若不早治則食臟食肝而為狐惑矣

黃連止蚘湯方黃連 黃芩 白朮 人參 烏梅

羸瘦

痘後雖能飲食而羸瘦者氣血兩虧故也治之當兼氣血偏陽則傷血偏陰則傷氣矣陰日服當歸養榮湯陽日服參苓白朮散

羸瘦痘案

一人煩熱口渴能食易化肌肉不長此氣血虛之心火亢極而乘之也經曰火炎則土燥多食亦虛飢治宜氣血兼補單日服五味異攻散加黃連麥冬知母雙日服四物湯已上亦有治之不應毒火燄陰津液枯涸而死

一能食而肌肉不長精神憔悴脉來沉緩此脾胃不足胃伏火邪于氣分則能食脾虛則肌肉削弱治以補中

益氣湯加黃連

一能食易飢不長肌肉此胃陽有餘脾陰不足故善消
二陽結謂之消二陽者胃與大腸也以小異攻散加黃
連白芍以瀉二陽之熱

一人面白唇赤肌肉瘦小皮毛枯槁潮熱往來能食易
化乃疳癆之症由飲食不節脾胃過傷陰火乘其土位
宜健脾兼清熱用歸芍六君子湯加石斛麥冬地骨皮銀
柴胡之類六味地黃丸加人參白朮當歸枸杞五味子

間服異攻散

一人面白無神氣冷少食瘦小乃胃氣虛寒治以六君子湯亦有症同而兼便澹腹滿者用六君子湯加炮薑木香亦有命門火衰不能生土者用八味地黃丸

一人黃瘦面腫身熱肚大如吃泥米此飲食傷脾已甚脾痛之候也治宜養正則邪自除用肥兒丸

腹脹

若因食傷而腫脹者宜健脾利水用人參四苓散或四

皮散

若因傷食但脹而不腫者用水香大安丸或健脾藥加山查麥芽淡竹葉虛者加人參平胃散亦可

腹脹如鼓或氣粗喘急者此裡有宿垢也其治在脾不論食積蓄水並宜先利之利後方議調補用揭氣丸或厚朴湯利後用胃苓湯去甘草加人參黃芪腹皮

若中氣虛而作脹者不可妄攻用萊菔丸

揭氣丸方

木香

錢五 檳榔

二個

黑牽牛

半生半熟炒
頭末一兩

神曲

和丸

厚朴湯方 蒼朮 厚朴 陳皮 腹皮 茯苓皮

猪苓 木香隨症加減

萊菔丸方

蘿蔔子

五錢

胡椒

二錢

白朮

厚朴

一兩

過

去土

炒

共為丸

腫痛

面目虛浮一身皆腫者此表虛也見風太早風濕乘之其治在肺宜以五皮湯微汗之平胃散加羌活 防風

或五苓散去肉桂加赤芍或胃苓湯合五皮飲治之外
以枳殼 葫蘆煎湯浴之或松葉桑葉煎湯洗之

痘後浴早面目一身盡腫者水氣也用四君子湯補脾
去濕加黃芪實表加防風勝濕加麻黃逐皮間水腫消
後用錢氏異攻散加猪苓澤瀉調理

陰囊浮腫其大如鉢毒蓄皮膚也用連翹飲加腹皮茵
陳 有熱加枳殼柴胡必數服乃效

陰囊腫如瓜乃膀胱熱甚毒流小腸也宜清利退火用

紫草飲或用車前子滑石茯苓木通山梔瞿麥牛膝甘草燈心

痘後卵腫肝病也用小柴胡湯加青皮木通

五皮湯方 羌活 防風 蒼朮 木通 桂枝 猪

苓 防已 桑皮 甘草 燈心一方無桂枝羌活有

腹皮厚朴

痘後腫脹案

一痂未盡脫黃腫壯熱腹飽溺赤乃素有濕熱兼餘毒

未盡也宜消積滲濕解毒用五補散又用苡仁連翹山
梔淡竹葉防風白朮蒼朮厚朴茯苓

一人浮腫皮薄而光手按成窩喘嗽便澁乃飲食脾傷
土不能制水滲入脾膚故也喘嗽者水氣上行侵肺溺
澁者失其降下之令不能輸化也此為難治宜補中行
濕清熱利小便以實脾飲五補散若干散治之

一痘後遍身發腫餘毒攻冲也用滿天星草水楊根金
銀花馬蘭草芫荽各搗汁和服

一小便赤澁腰下腫痛土虛不能制水也當利小便用五苓散及小清虛散相間服或用六君子湯加澤瀉

一遍身赤腫發為赤遊風乃餘毒不盡兼食煎炒辛熱之物熱與血搏而然也用犀角解毒湯

一腮頰赤腫為遊毒風症乃風客皮膚而為頑核赤色也內服解毒湯外敷玉龍散

一夏月收痂後溺赤短澁囊腫赤亮以八正散化毒湯治之

癰毒

痘後癰毒醫之過也當發不發則成癰不當補而補亦成癰癰者壅也元氣內實毒不能行故尋竅而出經曰榮氣不從逆于肉裡則生癰是也曲池委中三陰交會之地每多此症然有虛實之不同

癰毒實者形體壯盛身熱能食痛叫不已是也用連翹飲

癰毒虛者形體怯弱食少微熱腫處不痛是也用流氣

飲並用必勝膏貼

潰而出膿久不收口者內服大補湯外塗生肌膏

不治之瘡如瘡多不食嘔瀉不休睛慢唇白膿出清水是也

痧疹丹瘤

痘後發痧疹丹瘤吉兆也不比平常治法用疎風之藥加牛蒡連翹一二味

凡痘後諸疾不由痘中來者曰怪異必先詳審先服何

藥進何飲食或感冒六經之邪知犯何逆即依所犯以法治之所謂藥不執方中病而已也

芽兒百日出痘

毒隨胎氣相激而出寒熱之藥俱不可用用蜚蠊丸

蜚蠊丸方

全蜚

五個用蜜焙

蜚退

五個酒漿焙

白芍

一錢酒炒

黑糖

調如芡實大一丸乳化下

未滿週歲出痘

氣血未足瘡不肥滿用參歸湯

泄瀉加訶子

有痰

加白朮陳皮 小便不利加木香 痘白盜汗加芍藥

黃芩

俱酒炒

參歸湯方

人參

當歸

各七錢

白芍

三錢酒炒

生薑

三片

全煎

乳母服

童男破陽出痘

虧天元矣稀朗猶可若稠密毒重難于起灌收功宜用

天元接髓丹

天元接髓丹方

當歸

生地

人參

黃芪

各二兩

橘

紅 蟬退

各一兩

附子

官桂各五錢

酒漿十碗入甕中煨

熟去渣存火氣每服一錢入人乳三盃生薑三片重頓沸湯溫服

經行出痘

痘瘡全賴氣血為主一有不足變患立生但氣虛易補血難驟補故女子十四歲後出痘恐天癸之行痘疹難于施治若經水如期而止適遇發熱熱隨血解瘡毒自出不必施治

經行常症

用川芎生地或龍宮散外用羌萎湯洗淨將香裹置陰處

經期落後

用升麻

經期雜症

經水適斷詎妄用羌活紫草熱見愁肢冷用薑桂
便閉用千里馬嘔吐去桔梗加煨薑丁香橘皮驚

悸用天麻勾藤安神丸 泄瀉去當歸加肉桂豈菟或
調溫中丸 有汗去升麻桔梗加桂枝黃芪 腹痛有
停滯瀉臭者用山查神麴無停滯者用乾薑白芍神異
散

非期經至

此毒火內熾擾亂血海迫血妄行亟宜涼血解毒方得
經止如久不止則內虛血陷用元參地黃湯或四物湯
合黃連解毒湯或犀角地黃湯加血見愁紫草蟬脫牛

勞連翹或柳花散

附柳花散方

紫草

二兩錢

升麻

九錢歸身

七錢五分

柳花

七錢

每

服七錢葡萄酒調下

經行聲啞

血去則心虛心虛則少陰之脉不能上榮于舌故猝然失音先以當歸養心湯養心血利心竅待其能言以十全大補湯調之

毒發冲任

經向閉血海涸逢出痘毒發越于冲任之間二陽之症並作其熱必盛須調其心脾使毒得發泄庶可保全用歸脾湯逍遙散得脾胃和平飲食增進方可收功若攻擊之則血妄行不止而痘亦不出矣

吉凶有異

見點起脹時經行泄去熱毒則吉若灌膿收痂時則凶

漿期行經

如不倒陷根窠不散者猶有可救治宜重養其血而生

矣

起灌行經

雖本身之血不為污穢觸痘但恐血去內虛難于起灌
平陷灰白多致不救急宜救裡解毒用大補湯龍宮救
苦丹或八物湯去地黃加黃芪木香附子以調元氣或
用羌萎酒噴之出贈痘者吉

崩漏氣血兩俱虛

素有崩漏氣血兩俱虛痘疹難任其毒宜大補氣血使

氣血充足毒無留滯更能進食方保萬全用十全大補湯八珍湯加阿膠續斷木香黃芪官桂又補中益氣倘灰白平陷加熟附子一二觔

經變再出方能挽

痘不起發不光壯飽滿紅活頂陷色灰或青乾黑陷者此裡虛之候痘復陷入也用十全大補湯奪命丹如或瘡空中再出一番此大吉兆若加腹脹喘促詎妄悶亂寒戰咬牙手足厥逆者用水香散異攻散三建湯勢迫

者用灸灸午時起三更止灸得不膿不血自上收下方止

經斷熱入皆急治

發熱時經水適斷宜早服柴胡四物湯加桂枝以防血室空虛若已增寒熱神昏妄亂見鬼摸衣此邪熱乘虛而入于血室血室者冲脉是也肝主之肝藏血為血海宜用瀉肝散涼血地黃湯或四物湯合導赤散加人參麥冬或安神丸

閉經停垢毒胞門

經閉病在心脾心脾先病血室不行冲任之間則多積垢一旦痘疹之火鬱于命門胞戶之中當出不出毒邪留伏致生垂戾故發熱之初即當滌除邪垢以桃仁承氣湯為主後以四物湯合勻氣散加紅花木通

痘出經來防陷伏

惟元氣素壯能食者不妨如氣虛食少未有不陷伏者用十全大補湯主之虛甚者加熟附子少許

經水過期 補審

發熱時經水應期來應期止氣血循常度不須治也若過四五日下止此熱邪迫血妄行也宜先服小柴胡湯或生地黃湯以清血室之熱後用十全大補湯以補氣血之虛

經婦點期三日症治

以疎風解毒湯為主 腰痛用羌活柴胡 停食用山查枳實 有痰用貝母生薑 風噤用柴胡葛根薄荷

寒熱用生地黄芩 痰喘用天麻殭蠶 便閉用芒

硝大黃枳殼 痰厥昏迷用牛蒡僵蚕皂角瓜蒂

經婦胖期三日症治

以生津解毒湯為主 血滯用當歸川芎紅花紫蘂

發遲用防風蟬脫 痰嗽用川芎桔梗花粉 舌黑用

川芎黃連山梔犀角丹皮攤紅用川芎芍藥丹皮 毒

盛用川芎山梔黃芩黃連

經婦膿期三日症治

以保元湯合四物湯為主 痰嗽用川芎桔梗貝母

泄瀉用訶子豆蔻 抓破用人參黃芪白芷姜蚕 痘

頂軟弱用本方加獨聖散生薑肉桂茅根以發托之

黑陷枯燥用知母黃柏黃芩黃連或母雞湯猪尾膏

淡白用酒漿人乳鹿茸 頂陷不滿用人參川芎乳香

血虛灰白用阿膠升麻 虛寒灰白用附子四物湯

外 巽羌萎酒

經婦收靨三日症治

以參芪白朮湯合四物湯為主 小便澀加澤瀉木通
芫花用連翹銀花 痰嗽用橘皮半夏 熱迫血妄
行用人參黃芪生地紫苑茯苓

孕婦出痘

孕痘相關最宜詳慎不論痘之輕重俱以清熱安胎為
主切不可觸動其胎氣倘或胎落則血走氣敗不能成
功

孕婦出痘諸症

發藥補藥悉有安胎清熱之妙宜用大安散加黃芩川
芎如聖散加黃芩白朮安胎散八珍湯 初發熱用如
聖散加升麻芎根連翹 血虛用補血托毒之藥 不
起加肉桂白芍山查 煩渴加麥冬 痘出太多用參
芪內托散加紫草當歸芍藥黃連連翹牛蒡山查 痰
多用半夏 身熱但有表症用參蘊飲加白朮芍藥如
聖散 血動用四物湯加黃芩黃連及罩胎散佐之
若身熱足冷腹痛用八物湯加木香 脾虛食少毒發

不出用四君子湯加木香粘米紫草 胎動不安用安胎散加砂仁 發熱用防風枳殼甘草陳皮砂仁甚者用黃芩 大便不實用山查白朮或參蘓飲 腰痛骨痛此風邪閉塞火毒內盛也用疎風安胎湯加羌活柴胡 房勞腰痛治宜滋腎用知母黃柏麥冬 挫閃腰痛用當歸紅花桃仁 痘密火迫血不止腰痛大熱此凶症也用犀角地黄湯加芍藥連翹黃芩山梔荊芥防風以解毒光澤者可救

懷孕四五月患痘

宜用錮蒂散

懷孕七八月患痘

宜用迴瀾散

產後一二日患痘

宜用震元奪命散及雄鴨法製羹

產後十日半月出痘

止以大補氣血為主用十全大補湯合八物湯或異攻

散三建湯丁附湯加連翹牛蒡大便不實加肉豆蔻

乳後出痘

兩乳紅硬腫痛而適患痘亦須審其曾產與否用草靈丹

孕婦點期三日症治

以疎風安胎湯為主 血虧用川芎當歸 腰痛加杜仲續斷 熱甚加犀角山梔黃連 痘密宜引毒出表 用保元湯四物湯及茯苓白朮阿膠竹茹 飽滿身痛

口燥胎氣上升治宜行氣寬中用四物湯加蘓梗枳殼
山楂茯苓紫艸 稟弱脾虛宜大補安胎引毒出外以
免胎動 唇燥舌胎有實症若不下胎其可保乎變而
通之亦可下胎用芒硝大黃或加減保元湯

孕婦膿期三日症治

以保元湯為主 背上焦燥加知母麥冬 血點攤紅
加芍藥生地 根窠淡白用川芎當歸 寒戰作嘔用
砂仁煨薑 毒氣作嘔用伏龍肝竹茹

孕婦驚期三日症治

以參苓白朮散四物湯為主

臨產出痘

原闕

臨產起灌

必有氣血俱虛之患宜補氣血固表裡用大補湯加附子少許

痘期墮胎

痘婦墮胎非血熱即氣虛也須要審其墮在何時初出時墮者猶或可救當補而升之起脹時墮者十救二三當補而清之灌膿時墮者血虛衰敗不能逐毒化漿多致不救當峻補之收靨時墮者不為大害當用補藥墮胎血不止者凶大熱者危總以根窠之散與不散為生死之驗

墮胎不在失血之例切不可止其惡血宜大補氣血用人參黃芩當歸山查丹皮沒藥

產後出痘諸症

痘後治法亦同孕婦大抵以引血歸經為主官桂黑薑之屬所必需也其三日前用疎風活血湯之類其餘照常治法 淤血未盡而小腹急痛宜略行之用黑神散內虛外作假熱而寒戰咬牙腹脹作渴足冷手熱用大補湯加熟附或四君子湯加黃芪歸身木香 毒火內發淤血內凝而昏悶作痛者或升或降或作或止

孕婦出痘應用諸方

如聖散 人參 白朮 當歸 枳殼 黑豆 腹皮

砂仁 甘草 陳皮 薤白

安胎散 腹皮 人參 廣皮 白芍 紫蘇 砂仁

香附 粘米

錮蒂散 人參 柴胡 香附 陳皮 黃芪 生地

芍藥 荊芥 木通 川椒炒黑蓮房殼蒂一片葡萄

桃著根者七粒水煎服

迴瀾散 人參 荊芥 枳殼 各三錢 蚶子 一對 升麻 為末

錢二黃芪一兩橘紅五錢猪蹄一隻同煎服外用綿肚兜束胎

單胎散 川芎 當歸 人參 白朮 白芍 茯苓

柴胡 黃芩 荊芥 防風 白芷 乾葛 砂仁

甘草 紫草 阿膠 粘米

疎風安胎湯 荊芥 防風 連翹 黃芩 前胡

甘草 馬蘭 花粉炒酒水煎服

生津固胎湯 知母 麥冬 黃芩 甘草 白芍

連翹 生地 阿膠 竹茹水煎服

震元奪命湯 紫草 人參 黃芪 當歸 茯苓

陳皮 桔梗 砂仁 蟬脫 白芍

雄鴨法製羹 肥雄鴨一隻 人參一兩 肉桂五錢 砂仁一錢 童

便酒漿煮熟徐徐食盡

內托散 人參 黃芪 川芎 當歸 甘草 防風

白芷 桔梗 芍藥 厚朴 木香 官桂紫色者去之 加

紫草 蟬蛻

疎風醒毒湯 荊芥 防風 連翹 牛蒡 前胡

紅花 紫草 甘草

生津解毒湯 芍藥 生地 連翹 知母 麥冬

蓮肉 粘米

草靈丹 絲瓜子含一當歸 生地 荊芥 木通 山

甲 漏蘆 僵蚕 蟬脫 紅花 燈心 女用胭脂

婦用肥皂夾仁

大安散

原闕

痘案

一孕婦正養漿時墮胎去血太多昏憤伏陷而死

一孕婦養漿時墮胎以黃芪一兩五錢人參當歸各一兩阿膠五錢治之而愈

一婦漿行正產用甘草黑薑各三錢附子一錢又以保元湯加川芎當歸荆芥山查益母草而愈

一婦出痘勻朗灰白熱甚墮胎昏憤冷嘔此胃氣虛寒

也用保元湯加炮薑官桂而愈

一婦痘不易透疲倦血去不止此氣血兩虛也用川芎當歸人參生薑益母草升麻治之而血止痘起又以補中益氣湯而愈


一婦出痘以安孕飲調理而愈

一婦出痘而胎痛甚用炒黑砂仁酒下之而愈

一婦痘漿不足灰白寒戰咬牙煩躁溇泄此脾胃氣虛也用異功散治之而愈有去血不止藥不效者倒靨而

死

一孕婦痘後痰盛用清解之藥而愈甚者此陰虛不能
制陽也以六味地黃丸加當歸麥冬而愈
一婦痘甫愈強以房事變疔成勞而死



仁端錄卷八